


Minister Otmar Oduber a splica:

Esnan cu tin otro compania cu ta recoge sushi tambe lo tin di paga pa Serlimar

ORANJESTAD(AAN)— Den conferencia di prensa yama pa Minister di Infraestructura y Desaroyo di Medio Ambiente, sr. Otmar Oduber, el a wordo puntra si e clientenan cu ta haci uso di e servicio di otro companianan di recogemento di sushi, tambe lo mester paga e tarifa pa Serlimar. Tambe a puntra e dignatario con exactamente e cobranza via CIAD lo tuma lugar. E mandatario a contesta

e di dos pregunta aki prome. El a splica cu exactamente mescos cu e impuesto di erfpacht ta wordo cobra, asina lo cobra esun di Serlimar. Kiermen e famia lo haya e cobranza apart y cada aña. E persona tin e aña ey pa pague sea pa luna, pa cuartal of na final di aña. Tambe por scoge pa lague aden pa wordo desconta di e restitution di impuesto. Den dje ta wordo especifica cu ta e



tarifa di Serlimar. Encuanto e clientenan cu ta haci uso di servicio di otro compania, e minister a bisa cu e ley no a

cambia. Cu e ley ta bisa cu tur punto di recogemento di sushi, kiermen tur cas pero ta exclui e momento nan aki e parti comercial, tin e obligacion di paga. E no ta trata solamente di recogemento di sushi cu ta un parti chikito di e cobranza, pero con e desperdicionan ta wordo maneha despues.

E mandatario a splica cu for di entrante Dialuna, ningun truck di sushi lo

ta bashando sushi na Parkietenbos como ta poco Eco Tech, cu ta e dos companianan mas grandi cu Aruba tin.

Esey kiermen cu pa caso 90 por ciento ta bay limita e shutting cu ta tuma lugar na Parkietenbos cu por fin a yega na e punto cu aworaki cu henter e luna e tipping a tuma lugar a base di un acuerdo cu tin cu Arugas, pa e sushi wordo dera na un manera responsable, y esaki lo tuma lugar durante e proximo aña y mey te ora lo yega na e planta nobo y e tecnologia nobo di con pa atende cu e sushi, y e ora ey definitivamente e dump di Parkietenbos lo keda den pasado.